



Aktisasj barggosjiehtadus julevsáme profijllaskávlá ja julevsáme oahpponævoj ja máhtudagá ávddánahttema vuoksjuj

Sámi allaskuvla/Samisk høgskole, Hábmera suohkan/Hamarøy kommune ja Sáme Låhkámguovdásj/ Nasjonalt senter for samisk i opplæringa ájggu aktan barggat julevsáme mánáj ja nuoraj oahppambirrasav nannimin julevsáme profijllaskávlá ávddánime baktu. Vijddásappot ájggop sihkarasitet ahte julevsáme máná ja nuora oadtju ádåsmahstedum oahpponævojt ja jut sijá riektá kvalitatijva buorre áhpadibmáj sihkarassteduvvá aktan julevsáme guovlon máhtov læpptit.

Aktisasj barggoguoyme vuojni dárbov gávnnat ádå, dábmaris ja innovatijva vuogijt gåktu ádå sáme oahpponævojt buvtadit, ja ájggu stratiegasaj aktisasj barggo baktu ásadusáj dásen aktan barggat váj åtsåt, jåhtuj biedjá ja tjadát duov dáv prosjevtav ja dájmov majt dárba j jus ájggu julevsáme profijllaskávláv duohtan dahkat ja ienep ja ádåstuhtedum julevsáme oahpponævojt oadtjot.

Vehi dábbelin sihti aktisasj barggoguoyme viehkedit váj Sáme allaskávlá ja Sáme Låhkámguovdásj ållidi ietjasa sebrudakmandåhtav julevsáme sebrudagán ja nanni ietjasa dájmov julevsáme guovlon. Vijddásappot ájggu aktisasj barggoguoyme nannit julevsámegiela máhtudagáv ásadusáj ja sebrudagán, ja nannit julevsámegiela dilev sihke rijka ja rijka jasskasasj dásen. Aktisasj barggos galggá sjaddat sierra fáhkabirás sáme oahpponævoåvddánahttemin julevsáme guovlon, ienep julevsáme oahpponævo ja alla kvalitiehta julevsáme giellaåhpadimen vuodoskåvlån.

Sáme allaskávlá ja Sáme Låhkámguovdásj doarjju fágalattjat ja háldadusá bieles julevsáme oahpponævo- ja máhtudakåvddánimev, julevsáme profijllaskávláv ja ietjá vuogas dájmov ma máhtti lasedit julevsámegiela j lagov. Sáme allaskávlá ájggu viehkedit máhttolæpptimij ja ávddånibmáj duola dagu bájkålasj oahppofålaldagáj ásadime tjadá duola dagu julevsámegiela, oahpponævopedagogihkan ja duojen.

Aktisasj barggo galggá nav guhkás gå vejulasj ávkástallat bájkålasj máhtudagáj ja fålaldagá galggi ávddánahteduvvat laha aktisasj barggon bájkålasj máhtudakbirrasij, daj gaskan aj Hábmera suohkana áhpadiddje Ájluovta skåvlån/ Drag skole.

Árran Julevsáme Guovdásj vásstet julevsáme dávvervuorká ja giellaguovdásj dájma ávdås. Aktisasj barggoguoyme sjaddi ávkken gávnnat máhtudagáv ja værmástagáv mij Árranin la ja Árran sjaddá guovdásj aktisasj barggoguoymme Hábmera suohkanij, Sáme allaskávlá ja Sáme låhkámguovdátijij gå ájggu dievnastusáj ja oahppofålaldagáj ávddánahttet julevsáme guovlon, daj gaskan aj dájma ma julevsáme oahpponævoåvddánahttemav nanniji.

Dát badjåsasj aktisasj barggosjiehtadus galggá vuodon sierra, ienep konkriehta sjiehtadusá ásadusáj gaskan duola dagu dievnastus- ja oahppofålaldagáj ja máhttolæpptim dájma j ásadime hárráj.

Aktisasj barggo galggá tjuovvot iesjgenga ásadusá mandáhtav ja ruhtadimev. Jus dárbađ álgoldis rudájt fágalaš ávdđánahttembarggub masi dát sjehtadus dilev láhtjá, de galggá Sáme allaskávlá ja Sáme Láhkámguovdásj válldet ávdásvásstádusáv rudájt áhtsát Hábmara suohkana ja Árrana ráduđijn.

Aktisasj bargo badjásasj ulmme la tsieggit buorre aktisasj bargov mij bissu ja jut máhtudahka mij tsieggiduvvá aktisasj bargo tjadá, tsieggiduvvá bájkálattjat julevsáme giellabirrasin ja sađáđuhteduvvá ásadusáj organisasj ávnnáđa.

Guovdageaidnu/ Ájluokta 27.06.2022

Sámi allaskuvla

Laila Susanne Vars, rektávrrá

Hábmara suohkan

Britt Kristoffersen, suohkanoajvve

Árran Julevsáme Guovdásj

Lars Magne Andreassen, direkterra

Sáme láhkámguovdásj

Karen Inga Eira, jádediddje